

四庫全書

集部

欽定四庫全書

集部
稿李詩繫卷十一

詳校官侍講臣王燕緒

主事銜臣徐以坤覆勘

總校官進士臣朱 鈐

校對官編修臣蕭九成

謄錄監生臣呂 蟠

欽定四庫全書

樵李詩繫卷十一

平湖沈季友編

明

小瀛洲社十老詩并序

嘉靖壬寅四月之望予舉社會於小瀛洲之時賞軒
維時靈雨初霽凱風自南闌藥翻紅林篁挺翠黃
鸝載鳴於深樹紫燕偶語於重檐物情咸忻衣冠萃

止鐘鼓既設獻酬迺行童子歌鹿鳴伐木之章繼之以
南山有臺之什四美具而二難并三壽朋而五福介盟
申可久事續香山維我西邨清醇溫粹齒德俱尊
東奮恭儉循良喬梓濟美豐厓多聞直諒枳棘鸞
棲南溪履道純誠薇垣鳳翥勾溪清修固守吟步少
陵古厓慷慨賦歸興侔陶令海邨敦詩說禮志樂林泉
西臯邃學壯猷道存經濟石林靜崇釋典雅有儒風
予則志在齊賢躬躋寡過皆荷朝家之作養樂王道

之平康仕無愧於軒裳隱有光於丘壑者也墨山陳
子詢式瞻勝美爰付丹青冠服差殊意態唯肖竚立
相語者為西邨豐厓西臯聚首閱卷者為東畬南溪
勾溪挾童過橋者為海邨欲行且顧者為古厓坐以
待奕者為石林及予也東濱歸叟徐咸識

西邨詩老朱朴

朴字元素號西邨海鹽人弘正間布衣貌修挺音
琅琅然隱居腴道絕嗜寡營性耽詩自少至老未

嘗一日廢聲律兼善繪事興到輒作雲林小幅每當酒酣月下弄笛作叫霜裂石聲聞者知為諸詩人出遊也直指行部武原下車訪之朴布衣芒屨揮塵雄談大為傾動郡守聞其名欲禮致之鑿坏邀去許黃門葬父鄉俗題主必丐貴宦為榮比當泥首速客則西邨老人也曰眼前不乏纓組若年高有德終讓此布衣耳其為詩孤清警拔頗具排古蕩今之致有西村集并未刻稿一時林下諸賢

並邀入社為倡和友後復與錢東畬徐豐佳吳南
溪陳勾溪徐東濱陳古厓劉海邨鍾西臯釋石林
為瀛洲十老之會推朴為首更得董蘿石許雲邨
沈紫峽鍾彥材及僧秋江雪江佐之選辰命篇殆
無虛日且命畫士繪圖鐫詩於後以傳焉亦可謂
矯世絕俗風流弘長者矣予因想見當時士大夫
恬靜寡欲不亟亟於聲利之途故能優游林泉日
以文章師友為樂如古蓮社竹溪香山浴水之盛

傳為美談追慕遺風邈然不可復得感嘆之餘附
識於此

己亥九日登高社集

百年過七十去多來日少行樂湏及時歲月秋已杪今
辰重陽節木落霜雨曉風流石林師肅客入林窅木鉢
崇嘉蔬銅瓶貯清醪捫蘿躡重巖采菊披叢篠履歷嶮
巖盡暢然凌物表長歌應林谷遠眺極茫渺仰面青天
低俛首滄溟小太息寰宇內蠅螿何擾擾日暮下山去

西麓集歸鳥興劇有餘歡殘尊月中了

九日西臯席上得海字

去年宴重陽對酒作狂態今年復登高狂態猶未改
尊中酒盡君須買枝上茱萸正堪采君不見彭澤歸來忽
千載藍田舊客今何在人生行樂貴及時白髮衰顏鎮
相待莫辭爛漫倒接羅亂插黃花歌慷慨白雲杳杳去
南山明月離離出東海

蘿石山人惠松花餅

山風吹林時雨歇雲邊掃落黃金屑并刀割蜜香在手
和作銅盆百規月老夫肺病方作殃一片入口心胸涼
舌根猶含兔絲冷腸腑已透龍髯香蘿翁蘿翁最知我
白紙奚囊封一裹金莖沆瀣常恐詫玉碗酖酥聊許可
山中老松三百株嵯峰醞液流醍醐春來更裂數十斛
乞與一斗知能無

謝王雨舟惠靈壽杖

武當山高幾萬丈中有千年靈壽杖金光玉芝秀所鍾

生在青霞石嵒上雨舟先生道者流贈我一枝東海頭
琅玕潤滑鐵堅瘦昂首屈項蒼精虬老夫病足如跛鼈
藉此扶持少顛蹶朝出橫拖石壁雲暮歸倒拄溪橋月
乘舟著篙馬著鞭凌高涉下無不便為尋短句謝遠意
遶逕啄碎青苔錢不愁化龍忽飛去不願提攜朝玉陛
但使長挑沽酒錢日日登堂共君醉

靈隱寺

合澗橋頭水飛來洞口山烏盤蒼壁影僧掩翠微闌松

露晝還滴嶂雲秋更閒一年嘗一到一到一忘還

勝果寺

下界聞鐘梵中峰隱薜蘿海門朝日近沙市暮帆多
去山空老龍蟠井不波宋家宮樹在啼鳥學笙歌

石屋洞隆公房

我愛巖居宿因過衲子家山蔬和葛粉野飯間胡麻
水帶煙霞味茶收穀雨芽不知春早晚開到木蘭花

靈芝寺留別恒愷二師

古樹城深處題詩記昔曾
清秋一夜雨往事十年燈
地勝多芝菌池香足藕菱
浮生鴻雪意揮翰別山僧

葦邨為常州吳通府題

常州吳別駕家在葦花莊
好雨烟叢綠涼風露葉黃
遠邨通角里流水入吳鄉
手種沙邊樹他年繫釣航

僧月泉結廬悟空寺

滄海浩無邊青山斷復連
水吞湖面月風度石梁泉
我昔狂遊地師今幻住年
看花淪春茗猶記竹林前

上巳同友出郊

三月三日出郭行風和日暄天氣晴銜泥補巢舊家燕
隔水喚春何處鶯壚頭小姬酒正熟道傍古墳人自耕
勸君行樂貴及蚤明日清明花滿城

寺樓

杖几松杉迴絕磴衣裳雲霧浥高牕山園野色迷秦駐
海送潮頭上浙江碧樹帆檣移個個青冥鵝鶴下雙雙
詩狂難挽天河水付與山僧入酒缸

三月五日燕集沈紫硤池亭

何處尋遊花正開
紫微巖下小池臺
青山不負新年約
白髮重添舊雨來
三月暮寒催熟食
兩峰春興引深杯
臨流却憶蘭亭事
便欲剡詩掃石苔

楚江秋曉二首

練淨澄江露未晞
苦吟猶憶謝玄暉
六朝往事青山在
三楚空城白鷺飛
霜落水邨菰米熟
石高沙岬柳條稀
重華一去無消息
目極蒼梧淚滿衣

卧聞津吏數江程白鳥清沙岼岼明秋色遠連溘浦樹
人家多繞漢陽城殘燈野寺鐘初動瘦馬河橋客早行
三國廢興何處問荻花風起又潮生

友人誦許雲邨獨往詩因和

西麓興來因獨往客懷秋色兩娟娟白雲出岫淡如掃
紅藕作花香可憐風落晚涼巾不整草侵危石坐來偏
無因此夜湖邊月共聽松陰萬壑泉

懷勾溪

苦憶勾溪溪上翁暮年多病少過逢盤餐不乏憐牙健
世事無聞愛耳聾誰共青燈分半榻自梳白髮對孤峰
滄洲寂寞鷗鳧散目送征鴻意萬重

扶杖

扶杖東臯望遠山物華消息與情關棟花風過蠶蛾老
麥秀城深雉子斑誰氏墓田荆棘裏新新亭館畫圖間
道傍惟有寒松樹吹盡春風只舊顏

訪許雲村

菰蒲曲渚水添痕小艇浮香直到門十里青山司諫宅
千章喬木紫雲邨春茶種子多成圃老鶴將雛更有孫
白首相看易留戀為君連日倒芳樽

茶谷山房

池臺六月興堪乘六曲闌干取次憑簾外午陰綠澗竹
水中人影過橋僧催詩硯滴銀牀露醒酒瓜嘗玉椀水
白社故人間散地不妨來往喜相仍

許雲邨以楊梅惠予賦謝

雲邨五月揚梅熟，橋李南風李子甘。
野叟叩門傾瓦缶，山童和雨瀉筠籃。
千金一顆憐高誼，百里同時惠老饒。
兩地相思無以報，啖餘聊復併題緘。

西臯得新茶以詩索和

帶雨新抽粟粒芽，山人其夢有生涯。
細緘已入明廷貢，官焙還來太守家。
香愜社僧閒作供，嫩便鄰客老無牙。
何因日就林塘汲，醉看銅餅滾雪花。

病懷

落落晨星故舊稀一春消息悵離違
硤田變歲惟饘粥病骨逢秋尚袷衣
雨暗草堂蝙蝠舞風輕簾幙鷓鴣飛
臨流倦洗雙顰耳厭聽人間有是非

東濱席咏芍藥

憶昨臨軒把酒看過年花發又憑闌
紅芳有約春筵在白髮無情曉鏡寒
雲擁畫屏籠繡幄露涵香氣滴銅盤
舊家池館棠陰下未許風光讓牡丹

西湖竹枝詞三首

麥嶺風吹小麥花古藤喬木路三义千年玉骨湘纍墓
萬里堅城少保家

阿儂家住湖水傍菰米萼絲野飯香猫頭紫筍尺圍大
沙角紅菱三寸長

郎從湖上打魚蝦妾在湖邊只浣紗生長不離湖水上
湧金門外是儂家

紫白雙燕

飛來別却烏衣國夢裏猶思白玉樓零落舊巢人不見

一簾疎雨話春愁

過劉木溪故居

不見故人劉木溪
溪邊喬木冷淒淒
一間不廢藏書屋
三畝全荒種藥畦

為勾溪畫獨釣圖

松吹涼生錦箨冠
鳥還雲出坐中看
勾溪數畝清泠水
更有何人並釣竿

歌風臺

酒闌歌徹大風詞不是鴻門舞劍時
萬里中原皆漢土
高皇猶有故鄉思

秋山

碧樹經霜葉半殷巖雲不雨自飛還
瑤琴曲盡無人聽
獨上高臺看晚山

宣慰樓

羅綺香消鏡匣收碧山空對晚粧樓
樓前昨夜新秋月
猶學蛾眉翠黛愁

附考海鹽澈城內有元宣慰使楊梓
建樓十楹以貯姬妾謂之梳粧樓

月色軒

蜨老花殘燕不歸酒闌香盡客來稀多情只有黃昏月
依舊清光照板扉

附考宋時海鹽趙公範兵燹後軒其
故居曰舊時月色始豐徐一夔有記

聞琴臺

晉代相傳直至今子期曾聽伯牙琴高山流水依然在
寂寞荒臺蔓草侵

附考在海鹽縣東相傳伯牙鼓琴於此又有聞琴邨聞琴橋

烏夜邨

考見題咏

玉貌曾沾帝子恩故鄉環珮葬歸魂
千年廢寢無尋處
夜月啼烏尚有邨

碧雲寺

塢影蕭蕭夕照間碧雲黃葉滿秋山
空堂夜冷無燈火
唯有貧僧乞米還

附考寺在海鹽縣西五里沈山唐大厯間建

讀書堆

蘭若雙峰碧樹隈
逋翁傳有讀書堆
數聲清磬孤烟外
想見高吟待月來

錢臨江琦

琦字公良號東畬海鹽人幼讀書山中一榻十年
燈帳如墨舉正德戊辰進士授盱眙令賊劉七齊
彥明等攻城琦以死守同邑吳昂錄張睢陽詩遺
之琦報曰業遣婦子南還以身許盱眙矣賊遂去

歷陞刑禮二曹武廟南巡力諫不報時永嘉方爭
大禮出疏示琦請署名琦卻之出守臨江左調思
南拂衣告老築小樓數椽顏曰東白吟咏自樂與
西邨輩十老人結耆英社著臨江集公良詩選雱
史測語行世有六子蓼芹萱葵薈蓑皆有集陸師
道曰先生詩皆深遠可喜有味其言姚士彝曰如
空塔鶴夢清山深步履遲笠外滿天雪坐久換鳴
禽雨濕鷓鴣語諸句真五言長城也

夢聚上人

微月吐疎林幽懷不能已
忽夢與支公跣趺竹窓裏坐
看白雲生驚風擘帷起
覺來秋夜長空山落松子

卜居為友人作

桃花兩岫春水肥水邊卜築開荆扉
雞犬向門未肯入
邨舍兒女穿竹窺長鑱猶帶故山色
短墻初受新雨泥
社酒喧喧誰上客東畬先生髮最白
醉後出門看遠林
從此頻過話長日

歌風臺

蔓草迷殘碣荒臺走白波
英雄起亭長父老說蕭何
廢井寒泉少空庭落木多
當年懷猛士撫劍此高歌

自靖祠祀練公子寧

中原龍戰起萬國撼雷風
天意別有主人心獨在公青
山無斷骨白日見孤忠
到此看臣節羞言靖難功

鳳陽道中

衝曉出城郭征途未有涯
草深山隱路風急水行沙遠

近啼春鳥高低落野花病軀愁跋涉搔首嘆年華

過滁

西過滁陽道環山一望賒夜涼天有雨秋晚樹無花試
訪仙居礪因停部使車臨風動高興追憶故人家

殘春

宿雨乾時乳燕飛東風急處落花稀一年最苦春將去
萬事營心客未歸舊宅桑麻因宦廢天涯兒女近誰依
未能高卧追彭澤日暮聊為賦式微

金陵懷古

落木蕭蕭鴈影稀
秋風江上立斜暉
三山二水依然在
萬戶千門盡已非
商女有花歌白下
謝家無燕認烏衣
城南城北經行遍
獨傍秦淮夜月歸

寄吳南溪

談經昔日坐春風
廿載追隨片席同
豈謂丁年成老大
空教辛苦憶兒童
掌中酒映溪流碧
林上秋添木葉紅
三逕若知黃菊意
草堂今在峽山東

道中

江北江南數日程
蕭蕭落木送秋聲
夕陽滿地烏飛盡
人在亂山深處行

遣懷

手種篔簿傍水邊
露華抽碧動江煙
主人空有他鄉夢
辜負青青玉可憐

送友人之楚

春去那堪更送君
日斜江上惜離羣
欲知回首相思處

只隔湘南一片雲

遊玉笥山

芙蓉高插碧天開
雙屐遙從島外來
玉笥破雲尋不見
更隨風上九仙臺

徐光澤泰

泰字子元號豐佳海鹽人弘治甲子舉人再試不
第授桐城學博作悲世賦以自廣改蓬州學正上
瞿塘泝巫峽縱觀嘉陵山水文益進遷光澤令多

惠聲一日拂衣嘆曰余卅角抽毫今髮且種種不自致清秘迺日事手板將無為彭澤所唾遂歸高蹈海隅寒暑未嘗釋卷工詩古文詞識者以為雄健過於張寧華藻超於朱祚尤好為小文晚患鼻淵作詰鼻文自嘲雖語涉嫚戲亦頭責子羽之流也著有玉池稿玉池談屑春秋鄙見皇明風雅詩談女學諸書

西陵峽歌

兩山夾江如壁立千尋萬仞青鐵色江流如龍山罅來
動地雷聲喧白日山高不見飛鳥過舉頭青天一尺多
蒼藤古樹翳滿目沿厓亂石紛嵯峨嗚呼峽中之險險
莫比昔嘗聞之今信矣商人重利却輕生獨欲何為亦
來此黃陵廟下不可遊空舸塌洞尤堪憂十前九却過
一險百夫力盡巔厓頭垂堂遠遊古所戒靜言思之心
膽駭中流欲歌行路難哀猿又起寒煙外

宮人午睡圖

深宮沈沈清晝長高檐影落梧桐涼蝦鬚窸地燕無語
飛篆不斷金爐香鳳凰欲繡還停手睡思尋人如中酒
銀屏翠簟碧紗幬濯濯春風卧楊柳弓鞋卸下雙蓮金
香浪捲起紅鴛衾髻雲蓬鬆枕玉膩眼波不流眉黛深
侍兒側立不敢語手中團扇輕輕舉曲瓊纔下越嶺雲
幽夢已作巫山雨君不見楊家海棠睡未足內庭已走
銜花鹿

秋夜澈湖望月

澈湖湖上桂花秋海月當年滿畫樓彷彿錢塘六橋夜
至今人說小杭州

吳布政昂

昂字德翼號南溪海鹽人少時聞海寧祝先生萃
履方篤行以員外郎家居教授昂袒褐草鞋負書
往從先生竒之曰生來晚書舍滿唯一牛屋生寧
得居乎昂欣然受書日夜誦不輟衣一敗絮時解
與所從老僕更相衣或周走室中跳踊却寒除夕

歸上母壽即走詣祝先生所自是學大成登弘治
乙丑進士授宜城令改新建會宸濠橫虐民不能
堪匿丁家山以拒昂入山諭之立散歷遷兵刑二
曹擢福建按察僉事有妻殺夫坐死者昂疑而默
禱夢一小兒據人腹昂曰殺人者必杜福子也捕
得之閩人以為神累陞布政乞歸居白苧溪上著
書自樂布袍芒履混迹農漁人或狎之亦不校嘗
駕舴艋入郡城遇兩生舟相觸怒止昂索錢以償

昂乞至西門湯別駕家行貸至則別駕大驚曰何
得辱前輩昂遜謝益恭兩生慙沮而去晚年不涉
世故及歲饑數為請賑又上書請築海塘一方賴
之著有南溪集鄭端簡云明有兩方伯天台陳公
華亭夏公皆人傑也昂學問淳固如天台見幾明
哲如華亭而安貞履順斂華就實尤不可及焉

二月二日社飲分得花字

分春明日候晴霞二月祥風草始芽無奈寒威侵短褐

時驚凍雨點輕沙負水魚陟還潛穴出谷鶯遷未集枒
却憶在閩遊冶日山城風暖落桃花

集水竹居

一溪遶塔過前庭脩竹千竿列翠屏潭水照人僧眼碧
海山當座佛頭青衝水鼓棹乘幽興撥火煨爐盡主情
醉後歸舟載明月沿溪聽誦寶玉經

元旦

牀頭堆積是書篇晨起朱霞映篆烟晚興偶移溪上屐

凍梅含雪報新年

勾溪居士陳鑑

鑑字用明號勾溪海鹽人幼任俠善騎射擊劒蹴
踘從輕薄少年遊長乃折節讀書學為詩歌閉戶
下帷人罕見其面詩成出之靡不驚人與朱元素
齊名所居勾溪介處海上凡秦峰角里澈淑鷹窠
幽勝之處杖履必到一時瀛洲諸公推為社中祭
酒其詩鮮芳幽雋有勾溪集

夢鶴齋獨卧

晨鐘破清睡月吐高林輝棲鴉時一鳴白露搖空扉孤
枕寂無擾竹柏光熹微平生百事拙得與塵俗違兩耳
點蒼塗不聞何是非野心役泉石久住長忘歸山風南
窓來松涼上秋衣花明池色淨悠然發天機雙鷗有真
意相傍不驚飛

己亥九日登高

秋風千厓吹老樹攜尊花飲羣公聚茲辰南國居重陽

玉壺載酒登高去，川明岳秀風日晴。
林嬉野酌都成趣，醉插花枝細菊馨。
浩歌白石長雲暮，城南七十六高峰。
一年一作登高處。

雨中喜西邨諸君見過

深酌看清雨，田家無好春。
年光餘逕草，風味只溪蘋。
此日有限日，幾人無事人。
醉眠君未去，交誼向吾真。

野卧

野卧任遲晏，窗涼清睡殘。
林虛雲影動，石沒水容寬。
微

露幽花濕輕風小
蜨寒夜來萱草發
徒倚碧闌看

次石林韻

結茆遠墟落白日有禽言
野夢牽風石清泉過竹門絕
糧憂鶴瘦爭果怪兒喧
欲問栽松法僧來與細論

春日村居

草綠鳥飛散孤邨
白日虛家貧人事寡
地遠世情疎
春色遙添水山光半落書
廿年中外履閒只到僧居

訪石林

海雨濕山木野泉通竹籬
偶隨流水去恰值道人期
坐久日移午來稀花笑遲
小園春事歇滿舉送春卮

席上

古鼎煮寒月涼天東老家
冠裳臨水淨籬落帶雲斜
幽意看黃蜨清吟對白沙
不須愁酒盡市近易為賒

勾溪暮歸

淨漱滄浪坐晚涼浩歌蓬底又斜陽
貧能到骨心方逸懶得成癡事盡忘
夢裏風煙詩帙亂手中湖海釣絲長

東風吹入勾溪棹碧草清波十里香

西邨諸社友見訪雨夜分得微字

門外泥深草路微滿江風雨暗斜暉春潮正急不可渡
有酒相邀且莫歸野服奚囊留竹桁茶烟山影共柴扉
重招更有茶蘼帖爛醉花前願豈違

看水

竹墟看水白鷗來獵獵溪風約樹開幽意不關天下事
好山長對手中杯涼波蘋藻時翻動晚日牛羊欲散回

短髮醉來思一濯
桐江還我釣魚臺

除夕

秦皇山北梅蕊新
展武城西江水春
白髮椒花一杯酒
清朝泉石百年身
杖藜健在何妨老
茅屋閒多不厭貧
此夕盤筵共兒女
江湖應有未歸人

書所見

倚杖雲江落照中
看人舟楫去匆匆
豈知宰相馬頭日
不及牧童牛背風
劒米割腸聊強飽
水紋遺世惜虛功

波濤滿眼輕生者翻笑田更錯用工

枕上

幽窗落殘月惟枕自清恬忽憶山中客西峰影到簾

種菜

曉日園頭抱甕頻滿衣寒氣露華勻老夫一箸非容易
為語人間肉食人

紅塵

溪上衡門終日開非闕遮斷自無來老夫只道無心物

丞相門前却作堆

睡漁圖

滄浪歌闋卧斜陽
渡口風來杜若香
老我鷹揚還有待
一灘秋水夢姬王

讀靖康史

日短中原鴈影分
空將鑲子寄曹勛
黃龍塞上悲笳月
祇隔臨安一片雲

題雲邨笠雨圖

龍眠畫裏原曾識天只峰前得載看採藥歸來春雨歇
蒼厓照影夕陽寒

徐襄陽咸

咸字子正號東濱泰同母弟正德辛未進士推度
高懷駿材穎發居官務持大體初知沔陽州擢守
襄陽會中嫉者免歸孝友之樂終身無間築園城
堙與里中耆碩飲酒賦詩名小瀛洲社風流文雅
為一時之盛人以白香山司馬君實比之嘉靖壬

子昂冠入邑所在焚儲當事議徙邑倉或曰徐太
守南園便咸慨然曰吾素笑文饒之愚安用戀此
即捐地為之著有國朝名臣言行錄澤山野錄四
朝聞見錄西園雜記鹽邑文獻志東濱三稿私謚
曰文達先生

宿柴店鋪

落日明遠岫征車止破郵春寒翻勝臘山靜只疑秋酒
色浮銀燭梅芬襲罽裘白頭林下叟說盡野人愁

望廬山

望望廬山勝行行過碧岑有雲峰益秀無雨洞嘗陰飛
瀑秋垂練澄湖晝躍金看山到此地已了半生心

暮春

白日去何速青春不可羈棘林花落子茅屋燕將兒酒
債憐清老風塵笑牧之呼童掃苔逕應有客相遲

二月盡大雪

夜枕唯聞雨開簾雪作團農家三白足別墅萬紅寒剡

曲無人到陽春欲和難
山妻有清釀相對亦情歡

和石門懷陳勾溪沈紫硤

紫硤逃名士勾溪遁世翁
兩峰盤谷景一曲鑑湖風
雪映吟髭白梅薰酒面紅
何時過蕭寺共聽五更鐘

踏青至太子廟

散步出西郭乘風支瘦藤
逢人頻問路扣寺欲尋僧
花落紅衣亂麥搖碧浪層
歸來日將暝渡口已漁燈

附考廟在海鹽縣西北二里志云祀皇甫嵩
蓋太尉廟也嵩破黃巾平荆揚或當時祠之

春興

看到山茶又海棠坐臨芳草惜年光
舊家燕子尋巢急
新水魚兒逐隊忙老鬢未判春興淺
愁懷猶喜酒杯長
疎簾細雨清明近夢破梨花月滿牀

偶題

捲簾疎雨杏花寒金鴨香消午夢殘
燕子不來人病後
玉釵敲遍碧闌干

西邨畫小幅二首

平蕪漠漠遠山青
楊柳風多水氣腥
好似衡陽舊遊處
蒸湘斜抱合江亭

水練山屏碧四圍
樹陰濃覆白鷗磯
扁舟穩繫柴門靜
人在湖南罷釣歸

陳龍巖瀛

瀛字古桂海鹽人正德間國學生為龍巖令愷悌
樂易閩人懷之比歸觴咏自適所著失於烏寇之
亂多不傳

贈東畬歸田作

白蘋風起釣絲涼
解組歸來野興長
波浪塵埃非舊夢
青山影裏卧斜陽

雪夜過妙光寺

朔雲卷水氣憑陵
此夕山陰興已乘
高笠短蓑還出浦
滿湖風雪夜尋僧

石林山房

輕風落樹散林煙
海日三竿正熟眠
倚午起來花落盡

不知雷雨過山田

劉指揮銳

銳字蓄之號海邨其先關中人狀貌豐偉慷慨自負以世胄襲海寧衛指揮使蒞事嚴毅人莫敢犯雖係出勲閥而學問淹洽與瀛洲諸老賡和有春臺集銳有家奴名木者善射應弦命中一日有水鶴集於資勝寺鳴吻木弋之貫其左翮帶箭而翔中庭銳命拔其矢飼之旬日鳴舞而去咸謂德

感云

苦雨

九十春過半深寒猶絮衣海翻高浪入風帶濕雲飛幽
意頻看野詩愁獨掩扉欲將攜釣興江上問漁磯

過山家

幽蹤何所適來訪野人家藤老高懸樹溪清淺見沙飯
牛歌白石養鶴長丹砂渺渺乾坤裏吾生豈有涯

胥溪

小築耽幽性門前水一灣
舟輕同鶴載人老共鷗閒
釣弄波間月詩成檻外山
客來忘爾我送不到柴關

納涼聞警感懷

地僻喧囂寂風烟隔翠微
月明孤角語林靜數螢飛
塞北仍嚴武江南乍解圍
幽棲何處穩涕泗欲沾衣

秋暮

歲事關心切金商忽整鞭
菊開霜信後秋盡雨聲邊
晚甕醅新秋寒衣貼舊綿
閉門無俗事詩句送殘年

雨霽同鄰翁過田家

林外晴嵐散晚霞偶因雨霽到田家
吳蠶出火桑成椹布穀催耕麥作花
流水小橋通釣艇矮籬茅屋礙巾紗
邨翁款客偏淳朴瓦缶清泉為煮茶

西臯老人鍾梁

梁字彥材海鹽人正德甲戌進士為刑曹郎疏諫
武宗南巡杖闕下慮囚江南平反死者百三十餘
人嘉靖初知濟南府平萊蕪反寇賜金綺後補南

昌廉明守法尋乞歸築室西郊稱西臯老人垂四
十餘年自為墓誌卒年八十二論者謂梁進則據
忠砥職退則潔已範俗為方洲後一人有西臯集
追悼四賢

懿哉南溪翁抗志風塵表經義啟後蒙探討造幽窈居
官三十年節操恒皦皦鄉評符士論孰謂知者少

右南溪吳翁

顯允吾核翁攻苦食自糲樂善如芝蘭疾惡若芒刺孝

鍾山先生集卷十一
友企前修淳朴世鮮儷積學志未酬彼蒼顯其裔

右吾核鄭公

漸翁明達士靈府洞無涯詩畫奪天巧文章成大家早
辭軒冕榮寓蹟一平槎放浪任所適素志薄豪奢

右漸齋趙翁

杞翁性孤峭弘博闡前聞銳志辭青鎖移家入紫雲著
書石屋下遠近崇斯文勢利了無涉甘友麋鹿羣

右九杞許公

九日可久會分得一字

九日天宇清
楓林動秋瑟
石師結芳社
侵曉掃禪室
茶鐺沸寒泉
果榼薦霜橘
坐客得九人
西邨行第一
稜稜骨相堅
畫品合詩律
東畬偕南溪
霄漢舊儔匹
豐濱伯仲間
文采兩超逸
野翁排塵務
溪叟蓄詩帙
劉侯與賤子
疎坦亦真率
雅興薄青雲
雄談侘白日
杜陵屢悲秋
世難恐相失
吾儕遜丘園
暮齡總康吉
藐彼王侯尊
奚慕神仙術
好樂貴無荒
君子慎所恤

不寐

蟋蟀不停聲寒城欲二更月明潮正落霜薄草還生
世路黃金重山林白髮輕淵明一杯酒豈止慰閒情

春陰

正月多風雨長河一鑑平
隱雷乘暖發細草帶煙生
鹿豕棲林遠鷗鳧入浪輕
前邨春釀熟泥濘少人行

寄友

避亂依城郭呼童學治園
竹深羣雀下波靜一魚翻
壯

志依彈劔衰容且負暄
汲泉烹石茗拂席待高軒

曉起

老去翻多惜子孫
閒來幾為問雞豚
杖藜何處堪頻往
詩草經年祇半存
白髮嬾梳書在手
青苔不掃客臨門
孤雲自合幽人意
漫對西窗濁酒尊

宴天寧寺曲水堂

白鷗芳草快溪晴
春氣薰人酒氣并
漫說惠休無俗相
更憐元亮有閒情
舟移藤刺還維纜
棋散花陰半覆枰

他日空齋懷勝賞淒淒風雨夜潮生

謝石林

病夫欲赴東林會黃犢青秧已屆期
佞佛豈嫌蔬供薄逃名虛受野雲知
泥深仄徑青蓑冷雨鎖平橋釣艇遲
為報憂時社中客縣官今幸少鞭笞

題養上人竹院

曲水橋邊宿雨晴兩崖脩竹過人清
一聲曉磬白雲破僧在翠微深處行

與陳虞山叙舊

東吳白粲美如飴黃橘垂垂紫蟹肥朝市誰知風味好

西風獨送李鷹歸

以上十老
永瑛見方外集

從吾道人董灑

灑字復宗一字子濤號蘿石海鹽人弘正間布衣

少慷慨慕義家貧工詩與沈周孫一元鄭善夫諸

公遊放浪山水年六十有八聞陽明先生講學山

中以杖肩其瓢笠詩卷訪之入門長揖上坐陽明

異其氣貌又知其為董蘿石也與之語連日夜蘿石悚然起嘆執弟子禮盡棄舊學所遊者誦之蘿石曰吾從吾所好而已更號從吾道人未復叅證內典意見更超嘆曰今客始得歸矣與釋法聚結社海門山寺許相卿曰始余見從吾子專於詩遺其家甚難之後志於道遺其詩甚愧之終入於佛塔然自遺也愈益怪之學三變而卒歸於空云臨沒自吟曰我非汙世中者儔偶來七十七春秋自知

此去無些染一道天泉月自流其有得於道者歟
真境

真境靜而淡得來吾已翁百年鳥忽度萬事花終空好
夢宦途上達人杯酒中白鷗先自得睡熟釣絲風

石林僧舍對雨

蠟屐投僧舍江雲正作陰雨從燈下細夜向酒邊深葉
落風還起城寒鼓欲沈煙霞成我病時得飯幽林

宿韜光次王明谷

金少日人合言
卷十一
看山意不盡信信宿禪家坐石雲生袖談經天雨花閣
虛松夜奏林暖笋秋芽老得王濛癖逢僧不厭茶

漁莊

浦口幽花發門前春水生野翁長是醉魚稅本來輕吹
笛柳風細掛罾楓日明白鷗能解事終歲此尋盟

題勝果寺壁

亂帆青壁下盤磴白雲間宋後仍唐寺吳中見越山空
江鐘夜度古木院春闌南內今僧定西巖月自閒

過玄真觀題壁

簫聲隱隱珮珊珊喜有琳宮出市闌
洗藥泉深明月冷落花風定白雲閒
泥封六一猿窺竈天近清微鶴守關
徐福樓船徒泛海蓬壺原只在人間

野眺

雲山重疊帶江邨花落水流天氣昏
應有野人春卧穩流鶯啼過不開門

雲邨先生許相卿

相卿字台仲號九杞海寧人正德丁丑進士嘉靖
初授兵科給事中疏論罪閹張銳張忠贖金非法
及張欽義子襲職林俊正人被譖等事語極剴切
至訾上為氣驕志怠舉朝皆為咋舌未幾乞歸以
鹽邑紫雲邨山水佳勝移居村南茶磨山剔石引
泉疏畦藝茗時跨黃犢短蓑高笠二鶴自隨往來
山谷間嘗大雪上雲岫絕頂賦詩人望之以為神
仙自號雲村老人又於永安湖買山置杜曲岡雲

濤莊後人因名其山曰九杞其後名益高薦者十
數皆不赴居四十年未嘗一入城市最為夏忠愍
所重忠愍召起道經加禾以書致相卿與決進止
于時藩臬郡縣艤舟祇候道相望也相卿葛巾荔
帶刺一小舸詣夏夏問曰僕此出何如相卿不荅
第言可惜李長源却受觀察判官夏正襟起謝曰
便當疏辭以奉明教須臾搥鼓迴帆顧諸祇候一
時散去夏憤然遂不果辭卒及於難相卿詩多清

冷有丰骨所著黃門集行世

霽色

霽色林廬晚愁吟野水灣斷雲虹外雨殘日烏邊山海
宇湛流涕朝班亦強顏獨嗟身世拙早見髻毛斑

又八月望夜玉帶湖汎月

良夜不可負人歸還自留天間多病客月占兩中秋遠
水疑通漢輕風穩送舟露華清到骨寒意問羊裘

試杖

雪徑初扶杖，江城欲罷燈。
題門全謝客，行藥偶逢僧。
候鴈將辭澤，遊鯈已負冰。
湖山春意動，遊興日騫騰。

暮春雨後至孟家瀑

空林宿雨歇，近郭曙鐘寒。
亂水斜吞逕，殘雲弱傍灘。
泉聲人語細，山氣客衣單。
老我足幽勝，後誰應感嘆。

附考孟姥泉在永安湖傍
麋山之麓有瀑布如練

大雪攜鶴觀孟瀑

初雪壓高帽，羸驂揚遠鞭。
玉龍僵不起，白鶴舞爭妍。
山

僻地無主骨清吾欲仙長吟雜孤淚歸路晚翩翩

獨往

興到海濱成獨往千林風日淨娟娟寒山病骨晚爭瘦
白鷺滄波秋可憐天地閒愁塵夢醒煙霞勝事草堂偏
斜陽深徑漁樵盡弄影蕭蕭石上泉

石門西邨勾溪至

野人淪放紫雲谷勝友連翩根竺邨古渡晚寒初艤棹
萬峰秋靜獨開門歷探幽壑尋三秀深話青鐙卧兩尊

不厭山家澹風物還來茅屋負朝暄

除夕感懷

酒冷香消夢不成逼人殊覺歲崢嶸
老如舊歷渾無用醉戀殘燈亦暫明
雪霰已應隨臘盡梅花寧復與春爭
向來筋力虛名盡白髮無愁也自生

中秋夜招同孫太初朱西村董蘿石陳勾溪沈
紫硤僧石門永安湖汎月

一年好月是中秋向夕呼舟抱病遊
大地清輝翻白晝

良宵幽興屬滄洲湖山影動孤篷遠
天水光寒兩鏡浮
酣坐不知吟嘯永闌干北斗挂峰頭

月林僧舍

月午霜天破衲寒梵音蕭颯度林端
經殘香燼秋寥泐
時有風枝語夜闌

南橋

一曲溪流兩岫松石梁蜿蜒卧晴虹
錚錚拄杖歸來晚
月挂東林屋上峰

紫硤山人沈祐

祐字天用海鹽人居海寧硤山號紫硤山人正德
間以賢進官王府典膳家有園亭之勝工詩好交
游與孫一元僧明秀及同邑諸公賡唱往來有淳
朴園稿

夏日園居

地僻人來少林深月自幽閒行穿竹遠偶坐為花留蔬
筍隨時足山厨不外求謀生真得計高卧了春秋

秋日同孫太初董子言陳用明僧雪江散步湖
上以老杜山青花欲然分韻得然字

斜日南屏路幽尋短褐便忘年流水上得意野花前世
隔漁樵地秋高鶴鶴天遲留不知晚疎樹一燈然

陶布政照

照字時明號一菴秀水聞川人弘治庚戌與兄煦
同舉進士人目為鴈湖二俊終四川左布政有一
庵吟稿壻陸瑯序之今不傳

鴈湖晚眺

蘅臯秋色滿楓老葉疑花翠黛銜殘日金波浸落霞牧
歸猶弄笛漁散却移槎一水盈盈隔柴桑處士家

陸光祿淞

淞字文東號東濱平湖人弘治己酉解元庚戌進
士王端毅怒薦之與修大明會典成授禮部主事
歷郎中正德時藩國多踰例請乞淞格不行時劉
瑾用事倭使宋素卿賂瑾求入貢淞疏言非中國

利瑾怒中以他事矯旨收獄瑾敗累陞光祿卿嘉
靖初上疏廣言路辦忠佞節財用言極愷切尋致
仕自題其集曰東濱逸稿

春興

水滿菰蒲翠積池小軒風色晝遲遲柔桑已盡蠶將老
春社重來燕自知吟對松陰雲薄護坐看花影日頻移
滄江遠隔塵埃路得上漁舟是幾時

蚤秋初起感興

蕭蕭兩徑竹風微晨起新涼透葛衣朝列中階寧望進
年過半百未知非五湖鮮可隨時擊二頃苗應趁雨肥
寄語傭奴勤緝繕園林如舊待翁歸

金山寺同趙滄江高鐵溪登樓晚酌

萬里風波拍楚天江樓突起暮生烟鉢龍帶雨初歸洞
野鶴巢雲不記年雙塔影隨塵劫盡一泉名與古人懸
白蓮擬結他年社漱石亭前共借眠

趙助教萱

萱字慈佩桐鄉人弘治壬子舉人官國子助教

昭明書館

考見
題咏

滿架圖書雜典墳黃金小屋隱儲君銀燈細剔三更雨
瓊闥重封一片雲松下有堂存古像壁間無石記遺文
韋編錦軸塵消散留得晨鐘兩市聞

施太守震

震字亨甫弘治癸丑進士由固始令陞石阡守惛
伏諸蠻招攜有法忤劉瑾乞歸

贈北郭山人

君不見劔南趙昌以畫鳴又不見河內牛戩善寫生古
人一藝名不滅君亦能之儘竒絕焚香靜看匣中圖神
妙真堪勝前哲

施清河惠

惠桐鄉人弘治丁巳貢官清河令

銅棺塚

香魄已昇雲漢去玉軀留瘞此峰巒君看黃土深埋處

一樣松風竹月寒

沈叅議煉

煉字剛夫號一山樾之子弘治己未進士歷任江
西叅議嘗戲定桃園巨寇有聲江表

丹陽道中

山靈莫笑客囊輕幅幅南川贈別情却憶去年今日事
滿篷風雪過江城

趙貢士彰

彰字用常號梧崗平湖人負奇嗜古藏書數萬卷
王柘湖為諸生時館其家已而柘湖入中秘每言
我所得大半出用常家書也弘治辛酉貢入成均
有勸其就廣文者謝曰敝廬薄田足供伏臘奇書
野乘不乏披吟安能向少年折腰乎一詩載邑乘

龍吟閣

直收滄海作奇觀高閣橫空一望寬微雨趁湖生晚信
羣山入座起秋翰眼前紫驥皆千里領下紅珠得幾丸

遙聽曉鐘開講後散班分給小龍團

附考闈在平湖學

宮前啟元門上

周教諭淞

淞崇德人弘治間教諭

洪河

誰鑿天長水滿塘
菑畬端可足民糧
欲知遺愛深於海
都在空祠一瓣香

附考在崇德千乘鄉正德間洪令
異開天長河民感其惠稱洪河

姚布政鵬

鵬字鳴南崇德人弘治壬戌進士授龍溪令邑有
二惡鵬按以法擢工部郎出守韶州時廣寇高快
馬長朱白毛嘯聚數千人詔以委鵬三月平之又
巨盜岑猛據險為亂鵬身入其巢圖其形勢而出
王文成得進兵除勦陞山東布政卒

玉灣春曉

考見
題咏

一曲清江飲玉虹車塵馬蹟往來通笙歌斷續韶光裏

樓閣參差烟雨中
漁唱時聞楊柳月
酒旗斜挂杏花風
泠泠金磬知何處
路入雲山翠幾重

姚醫士能

能字懋良號靜山海鹽人弘治間醫士

題扇

風塵滿目動幽思
一棹歸閒樂自宜
沙上眠鷗莫飛去
海翁原是舊相知

屠副使姪

堯字文治平湖人弘治乙丑進士授常州推官擢御史武宗南巡疏諫不報後累上書皆切時弊巡按廣西濟荒撫寇多所全活轉山東副使致政歸兄奎亦為御史累疏宸濠不軌有直聲

趙漸齋起任陝西詩以寄之

美人何翩翩勳業早已樹彤庭十年餘直聲豁雲霧簡
拔出宸衷可自信平素因風寄逸情相期在王路

蔣布衣淇

淇字瞻伯號竹水文藻長子弘正間布衣

登茅山

迢遞華陽道丹梯躡復停雲蒸三觀白天矗衆峰青餌
石期探乳驂鸞欲控翎劃然乘浩嘯風急晝還冥

蔣布衣澳

澳字瞻仲號竹山一號蔣山淇之弟有竹山小稿
宿資聖寺

資聖何年寺蟠龍護法堂烟縈松徑暝雨浥竹窗涼閣

影生秋水鐘聲報夕陽塵中碌碌者到此意俱忘

沃教諭饒

饒字文裕號友石一號鱗州晚號南白海鹽人正
德初貢授華容教諭

征東行

祁連山前箭如雨健兒夜渡桑乾水天子臨軒命出師
幾人報國能輕死軍中不聞喪膽謠健鷲垂翅鴟雛高
衣戎賣餅當一隊銅面將軍閒寶刀

沈州判榮

榮字懋仁號一弘桐鄉人正德間鄉貢官和州判
官有詩二卷與正統甲子順天中式官知府者兩
人亦桐鄉人也

勸課還車作

新水一篙滑煙邨幾許深未聞歌麥穗詎敢戀棠陰春
脚晴原野星輶度遠岑幽詩陳欲徧且復坐鳴琴

姚太學惟芹

惟芹字惟誠綬之孫正德間國子生著有東齋稿
次瞻伯表兄遊茅山韻

繚繞烟霞路遊駮倚石停瀑簾飛練白山髻擁螺青雨
過蛙生壁風高鶴振翎春雲當殿合花落畫冥冥

胡布衣顏

顏字希仁正德間布衣與朱西邨朴陳勾溪鑑王
犢舟阡陳墨山詢唱和有詩一卷

海上晚歸

魚蝦入市水風腥
海色蒼黃雨脚晴
天昏聽鳥音都怪
野曠逢人面轉生
毒露濕衣蛇草暗
盲風吹浪蜃樓平
茫然誰是南洲路
遠屋欣看邨火明

犢舟家會飲

山烟卓午晴不飛
草堂邀賓開翠微
白袍入門主人笑
青絲繫壺童子歸
流鶯侑觴作好語
蘿陰上壁搖斜暉
紅光溢面我欲去
醉矣無煩更挽衣

西湖

不須湖舫載歌聲只任籃輿雅趣情
百里好山行恐盡十年塵眼洗何清
雲教笙瑟爭留酒晴喚簪鈿亂出城
安得移家此中住枕流隄畔避浮名

和西臯初寒詩

鴈風吹字點秋音自葺蘿房整布衾
瘠畝荒來憂稅到紙窗穿處怕寒侵
衰年虛倚同花甲生意真慙賦樹心
誰似鳳幃睽碧玉清宵香擁錦衾深

過伯牙臺

瑤琴久寂寞古意向誰傳一自鍾期沒那能整絕絃

便面

黃茅紫竹弄秋聲近水遙山各有情此地肯容吾着脚
不妨分個釣魚名

沃秀才商舟

商舟字民濟饒之子

海門道中

四山還遠抱一壩繞斜流鴈陣沙頭沒嵐光樹裏浮青

楓堪倚棹白草半眠牛
落日催行色悲笳起暮愁

陳畫士詢

詢字士罔號墨山善之孫能詩工畫其稿不傳

天寧寺海月樓

考見
題咏

孤城曉日闌干近
萬里春光煙霧開
晴樹直從天外見
亂山青自海門來
翩翩鶴鶴平原下
杳杳帆檣極浦迴
自惜平生幾圖畫
不知曾有此樓臺

陶千戶炳

炳字德明號友松海鹽左所百戶高談善射能詩
翰正德初從征開常累功正千戶家有寶劍因顏
其堂曰瑞劍

春獵

陰山疲血戰春野盛遊儀水滑龍媒騎花迷鳳藻旂角
弓爭鴈翼鐵鎧壯魚麗斜月當歸路肩生屬健兒

陳博野金

金字用礪號石溪鑑之弟正德間以貨進官博野

令有咏竹奴詩清節有情憐病骨虛心無意鬪纖
腰一時誦之

寒食書懷

江上客居三十年每逢寒食益淒然青山笑人不歸去
白髮滿頭徒自憐茅檐幾處插楊柳梨花半開聞杜鵑
身世崎嶇杜陵老夕陽風浪洞庭船

宣慰樓

彩鴛飛去曲池荒朱箔依然繞綠楊春色不知歌舞盡

野花猶學美人粧

丘州判冊

冊桐鄉人正德間官州判

橫湖

湖自澄江一派分湖波如練淨無氛行行鴈落秋空影
書破羊家十幅裙

支貢士高

高嘉善人正德間貢士

梅道人墓

徘徊宿草下荒墟一代風流更莫如海內於今重高士
千金不惜換圖書

潘介士鷗

鷗字惟遠平湖人家貧苦學友朋憐而授之餐或
借以裘葛與其讀書侃侃持論不肯附人草舍中
窮空無所有掃地晏坐而已領正德丁卯鄉薦授
肇慶府判非其好也未幾挂冠歸而窮空如故

正席抗顏談經為後生師表里人為之語曰書中
車馬多如簇潘明府無一舟一僕年八十餘終學
者稱東淵先生沈長水為作兩介士傳

寒食

試望平原上茫茫烟草滋風花寒食路兒女斷腸時
閱世黃塵暗懷人白舫遲韶光看欲暮只是雨絲絲

李介士萼

萼字剛甫平湖人少無朋徒自以意績學毘陵薛

方山先生見其文重之以為有道氣萼遂自命必
為聖賢作克念圖從龍溪王先生遊終日正容默
坐時出城市默自數步而行或時迴步從前路起
再整步期不失尺寸人以是迂之環堵蕭然一意
好道自稱也醒居士年五十餘卒

初夏村居

四月江邨路田家農事賒勲名看飲犢鼓吹聽鳴蛙野
饌炊蠶豆溪風落棟花綠陰清晝靜閒坐閨南華

沈訓導輝

輝桐鄉人正德間貢為訓導

塔院

誰從寶地結龍宮
塢影亭亭勢入空
賸有黃塵飛不到
講經人在白雲中

孫僉事璽

璽字朝信號峰溪平湖人正德戊辰進士令興化
有豪徐恩入貲為千戶交賂權貴橫行邑中璽擊

殺之民歌曰惡人殺兮虎翼而飛殺惡人兮疋瘡
吾肥轉揚州同知時宸濠反江西攻安慶璽奉檄
守儀真阨江之衝捕儀賓之偽謀者歷陞雲南僉
事乞歸有峰溪集

舟次淮河龜山

宿舸邊淮次山邨春事賒野桃臨水短津柳傍風斜草
暗都梁路鷗明釣渚沙自憐非少壯撫景惜年華

魏知縣楷

楷字良謨崇德人正德庚午貢官順昌令有民懷
集

張氏園

雨花園在玉溪頭曾屬張郎載酒遊今日淒涼舊金谷
夕陽衰草動人愁

陸太守琳

琳字文佩號玉洲平湖人正德庚午舉人授清河
尹歲大祲琳躬啖草根開倉賑之擢御史清戎湖

廣有善歌者嬖於楚藩頗橫琳摘發其罪巡按四
川西南夷叛單騎抵賊巢示威信賊羅拜降賜金
綺指揮劉永昌倚武定侯郭勛與蜀藩訐奏事下
三司多右昌琳按實抵昌罪復論罷中人姻黨及
邊將張麟不法事大忤權貴左遷撫州守乞休卒

初夏泛湖

麥秀高原雨脚收旋擎艇子放中流幾因病起愁聞鳩
忽憶春深可飯牛粉竹頂齊蒼蘚合刺桐花老綠陰稠

興來咫尺斜陽路指點前溪散白鷗

趙叅政先生漢

漢字鴻逵號漸齋平湖人正德辛未進士授建昌
推官李夢陽為江西學政檄毀淫祠漢一日毀十
五祠拜給事中居諫垣最久其疏上武廟者三世
廟者十有四責回話者二奏詔逮獄受杖者一若
論蕭敬之怙終崔文之擅政谷大用之請乞扶安
之傳陞鑿鑿中窺至論首輔張孚敬專恣尤人所

難竟以是出為山西叅政乞歸自構園居曰序芳
又曰常足窩海內名人作歌贈之又製一舟名平
查優游林壑詩酒自娛著漸齋詩草錢德洪叙之
曰公之綱條節概振策紆謨炳耀當世及與公居
嗒然若據槁梧若御冷風瀟瀟物外予讀其詩見
其標格清妍摛詞婉約有詞人之風焉

沈龍湫許雲南棋子戲作歌促之

老夫性僻百不喜舉手談兵病亦起雲合風生結陣來

清簟疎簾對孤壘胸中甲兵紙上策閒邊勝敗尊前紀
李泌藏機數語間謝安料敵移時裏客卿何來自荒服
從以壯士三百六昨日滇南鑰門戶今朝浙上屯耕牧
自誇此士極悍勇蒙氏降之段氏恐貌近回回閃爍睛
裔出羅羅黑白種金馬征行步驟高碧雞健鬪精神搜
巴園剖橘脩已變石室爛柯堅不動老夫聞之轉矍鑠
安得招徠事經略購以黃金不受金議直貶人百索
貶貶產在南海角鬼運神輸不可諾客卿一笑盡揮來

耳邊人馬聲
膈膊

贈南城夏裕建陽衛知事

南鴈飛將盡
行舟出潞灣
還攜盃下酒
來看建陽山
海宇兵戈靜
幕庭賓客閒
囊琴與匣劍
壯士為開顏

蚤雷

北園聞早雷
殷殷何處來
花霧濕逾重
柳風吹未開
疎籬從竹長
新水買蓮栽
亦有營巢鳥
雙飛日幾回

初秋寫建蘭花代柬張四貞表弟

問訊東湖曲溪深入望賒聊憑湘竹扇細寫福蘭花舊
雨同人話新秋對客茶西樓涼夜夢和月到詩家

送同年許九杞得告南還

天涯送客望江鄉去住何心共此觴碧落雲間孤劍倚
早秋風急舊袍涼祖行敢祝立園便報國寧論歲月長
並馬趨朝憶明發曉星幾點殿西廊

丙戌夏在告峇鍾西臯見寄次韻

白沙流水荒峇磯地僻人來問訊稀野竹徧依幽徑綠

海雲長近小窗飛自應老去隨吾况敢道迂疎與物違
猶記初歸夜堂月夢中顛倒著朝衣

小園初治次韻荅默齋

野圃除荒自去年春來風致已翩然青鞋濕露花前立
小簾依雲竹下眠潭水細流曾入畫山亭漫紀有新鐫
欲過好客勞相問試啟蓬門掃亂煙

圖扇面寄唐荆川

懷人荆川上把筆寫川流何日重攜手臨川照白頭

將過孫西丘

十年江海憶西丘
梧竹連陰壯晚秋
買得酒船還載鶴
共乘涼月渡滄洲

沈叅政圻

圻字子京號龍湫煉仲子
正德辛未進士歷任貴
州叅政

有感

五十年踰又六春
浮名不是為家貧
夜來蕉鹿方回夢

簡點歸期作散人

沈訓導朝陽

朝陽字向明嘉善人正德間為靖安訓導

春祭陳賢良祠

考見
題咏

清風亭下竹森森玉雪寒生酒客襟特為表賢來社里
豈因乘興訪山陰再傾玄酒千秋祀一疏青苗萬古心
踏遍九墩人不見斷碑荒草夕陽沈

秋祭陳賢良祠

不到荒墩已十年清風祠宇尚依然典型人物非無賴
釋奠儀文幸有傳秋月正開丹兔窟夕陽空下白牛田
駿奔我欲揚休烈再拜還歌九柏篇

林僉事桂

桂字天芳平湖人正德甲戌進士授刑曹以執法
忤權貴下獄世廟入繼擢祠部郎陞荆湖僉憲

民兵

綸書十道夜行邊亟發千金臺上懸招來六郡良家子

選就三河俠少年大漠落鵬花羽箭平原調馬繡羅韉
銀鈎色壯千巖月玉帳寒高萬竈烟曲磴崎嶇峰矗矗
寒陂嗚咽水濺濺功名誓取封侯印離別安知蕩婦篇
擁燾霜清聞鐵笛揚旌雪暗拂金鞭猶勝白首悲秋客
篝火寒廬手一編

諸副使傳

傅字揚伯嘉興人正德丁丑進士授黃梅令轉刑
部主事歷員外郎擢福建僉事總理屯政頗號詳

密終貴州副使歷官二十五年稱廉介馬

東臯園

寒烟衰草一蕭蕭歌舞曾經樂事饒
古寺頽垣無繫馬
夕陽深徑有歸樵樽空落月吟魂杳
花老殘春蜨夢銷
何事池蛙喧鼓吹惱人鳴向可憐宵

附考園在桐鄉青鎮宋處士沈平築有蓬萊堂迷仙徑
綠荷池梅花闌諸勝時宰執吳履齋賈秋壑嘗來遊之

沈秀才爍

爍字益峰平湖人正德間文學

贈半漁

風波滿眼老閒情
秋冷蘆花夢不生
幾曲滄浪歸去穩
江空月白小船輕

碧里山樵董穀

穀字碩甫號兩湖自稱碧里山樵澣之子正德丙
子舉人授安義令改漢陽宦歸耕於海上安貧樂
志每當過午未炊散步澹湖采白蘋以嗅吟咏自
若相知者或調之一介不取侍父遊陽明先生門

識大進其詩新警可誦有秦龍子四存前後集嘗
自贊其像云泊櫓山下有一叟馬穿粗布衣卧白
木榻出蟋蟀吟做蝴蝶夢坐顏子禪守老氏黑把
五柳杯採東坡杞菊使自已賣文錢飽兒孫種田
飯不知此何人哉或曰即帝舜所封秦龍氏一百
三十世裔孫穀者也

九日

滿城風雨作重陽花事東籬未見黃夢逐夜鴻驚遠道

鬢先秋葉上繁霜卜居欲就飛鳧里禦歲難逢煮石方
世短意多成一笑家人又進紫萸囊

蠶詩六首

唐李長吉嘗為馬詩予謂蠶與馬同氣上應房星其
功之大不在馬下何古今賦之鮮也予乃次其韻以
配之雖不以追蹤長吉亦聊闡其德焉

桑葉小如錢春容淡似烟吳姬能致富不羨挂荆鞭
春水味能甜桃花浴著鹽掃連看萬螿蠕蠕細相銜

懿筐傾露葉羅鞵帶春星誤聽中宵雨寧知滿箔聲
三冬營密室一月下簾鈎火候難調適輕寒麥正秋
公子將歸鴈幽娥不帶花願言速成蠶鳴鳩事青麻
嗟汝園中柘雖肥不潤身山東行食盡無計却秦軍

塞上曲八首

遼陽

遙空白浪見玄菟野徧黃羊草正枯最苦遼陽城畔戍
月明清淚下吹蘆

山海

貢道紆迴馬市平
令嚴邊塞敢誅徵
聖主不乘照夜白
遠臣休貢海東青

薊州

洗劍潮河水滿川
彎弓古北雪封韉
將軍好著燒荒令
莫遣花當易視邊

宣府

疾風衝起馬毛乾
萬壑千峰鎖塞垣
信是上都堪避暑

由來六月鐵衣寒

獨石

桓州西去驛荒涼李信屯邊草不芳白髮老兵知故事
細將沿革說昭皇

寧夏

朔方一帶重環靈何事皇天不厭兵千古賀蘭山上月
當時曾照漢家營

鴈門

鴈門不見鴈臣過唯見驚鴻拂短莎喚醒十年鄉國夢
一行寒影下嵯峨

玉門

武威張掖至燉煌自昔屯田足外攘莫說明初關外事
數聲羌笛轉淒涼

臨清柳枝詞三首

有序

昔楊鐵厓瞿存齋皆有蘇杭竹枝詞以形容其艷冶
之感予謂臨清亦四方水路一大都會也顧人不好

金史四
卷十一
文地不產竹頌聲弗聞非缺典歟予乃作柳枝十闋
以寫之蓋陳其實以獻俗亦觀風之遺意云

銀條首帕髻中蟠茜子紅裙膝下襴行過浮橋寺中去
往來多少駐金鞍

結束腰肢細可憐女奴相送上鞦韆風光又是清明近
墮却金釵記去年

行行簷樹碧陰森綠戶朱簾粉堵深睡起日高無一事
紫囊惟費買花金

計程口號

金陵西達九江城九百烟波九日行送客楚山隨岫轉
伴人江月徹宵明

弔劉大仲

嘉靖間千總援
鹽死於倭難

百千矛戟一身當半邏橋邊是戰場

半邏地名在海鹽
西劉長卿詩半邏

鶯滿樹學語小兒知姓氏花卿精爽未應亡

顧雲

雲秀水人寓南潯詩見吳興藝文補

大風

屋瓦輕飛亂如葉太虛磅礴無光輝
邨深虎豹夜多出山下獨行人未歸

布萊翁沈槩

槩字一之號平齋嘉善麟瑞鄉人少竒穎年十二就試省闈為八校之雋與許雲邨同為慈溪張東溟門人正德間以貢授江西布政使司都事非其志也槩性至孝究心理學晚業衰落著布萊翁傳

以見志時島夷犯三吳槩抱祭器避郡城卒所著
有筆思記鄉約釋義時務議平齋詩文集多古詩
詞旨沈鬱力矯頽靡比事寓情自得其志望而知
為鴻儒者宿不特詞家之選已也

聞王伯安過嘉興驅舟特訪不遇

出門未梳頭旭日紅欲起遙持十載心養養扁舟裏停
橈問北郭遲回復西市高人不可逢寒雲卧秋水

訪姚惟誠一心堂露飲

幽花抱古木疎影散庭際
露清風力微落葉不滿地
我為明月來還向月中醉
風流到僮僕翩然雜歌吹
憂時感商聲忽墮中宵淚

麥秀兩歧歌

九五飛龍起淮泗
瑞麥遙從寶雞至
當時和氣致嘉祥
作頌者誰劉學士
邇來七十有餘年
史策歷書非一事
麒麟在郊芝在庭
五穀資民乃為瑞
四年春王三月朔
好風自南甘雨作
大田沃野浙東西
爾畝我疆天寵渥

桑陰碧浪自粼粼
龍上黃雲何漠漠
金莖翠旗光陸離
金粉飄香吹滿畦
扶風四穗尚望昨
漁陽兩歧今見之
兒童走報爭先覩
父老傳言喜欲舞
繡衣柱史觀風出
歸見官僚笑相語
皇天有意兆豐年
多黍稷穰復多稌
我本嘉禾識字農
願與王家作編戶
但令二稅早輸官
不願閒身至官府
時復作歌歌聖主
吁嗟劉郎不可逢
頌聲洋洋美千古

題畫

一片會心景蕭然落畫中
遠峰低度鳥流水靜歸蓬
橋
偃疑分月林疎不礙風
誰能來此地尊酒故人同

秋興

柴門本與林壑舊
城市夜來清夢稀
香秔入戶雞蟹賤
新酒出筍螺蛤肥
天風輕吹野水碧
江月欲上寒雲飛
深閨暮砧不知急
布帛隨分堪為衣

陳賢良祠

當年秋氣薄浮雲
一疏清風萬古聞
可是星江無白犢

故園歸計尚勞君

朱畫士端

端字克正平湖乍浦人正德間以畫士直仁智殿
授指揮俸賜一樵圖書遂號一樵畫宗馬遠呂紀
居京師甚為時所重同時曾和者亦乍人與端同
直仁智殿二人初皆貧甚業漁樵事時海上天妃
宮未建名一片石端嘗于石上或沙上作白描勢
忽一日入山遇一異人問曰汝欲作畫耶我授汝

筆和亦跪而乞亦出一筆嚙其頰以授之忽不見
由是兩人用筆隨意皆殊絕今端畫猶有存者趙
漸齋有題朱一樵平湖圖詩

題畫

自剪烟綃寫釣竿孤舟一葉楚江灣涼風捲盡秋雲去
飽看黃陵數點山

沈大使漆

公諱漆字惠水號東洲八世孫季友謹按家乘及

晴峰太史松鄰韓公傳有云公倜儻多才立然諾
喜結客兩浙多有聞其名者正德之季為文思院
大使從事京師以事忤劉瑾廷杖下獄欲置之死
有松鄰韓公者與公善走泣於項裏毅屠康僖得
釋瑾恨未平將復杖之韓公流涕曰沈公繫獄數
月再杖必不起我不忍良友徬徨死也請以身代
會瑾竟不問乃歸耕於東泖之石莊云

獄中自述

金匱要略卷之四十一
卷十一
天亦有清霜豈為庸夫計人亦有繫辭豈為賤子慮嗟
哉大廷杖乃得鞭小吏俛首傷孤根飄風落秋帶身繫
洛陽獄旦夕且就斃無聊弄赭衣園扉夜雙閉哀角刺
我耳饑鼠噬我臂我聞常侍橫紛紛生黨議不見乾寧
災大權委奴隸悠悠漢唐書三復起流涕

張南雄徽

徽字德卿號寒厓秀水人正德庚辰進士授大理
評事時議大禮忤旨廷杖尋復其官進寺副奉命

慮囚雲貴釋殊死以下百餘人進寺正擢守南雄
多惠政歸田十七年卒有和古集

秋日漫成

邨野人家薜荔房西風催葉送秋忙一灣水畔有籬菊
五畝宅邊無樹桑語切舊巢歸燕意泝浮新甕隔鄰香
坐來漫動臨池興學草終慙舞大娘



馮李詩繫卷十一